

SCRIPT OF MORNING GOJRI NEWS BULLETIN 20DEC 2025 1015HRS

مارنگ گوجری نیوز بولیٹن 20 دسمبر 2025

\*\*\*\*\*

یوہ آکاشوانی جموں ہے عبدالرحمان تیں خبر سُنو۔

\*\*\*\*\*

LG KARTAVYA MARG

لیفٹیٹ گورنر منوج سنہا نے لوک بھون جموں مانہ شہری کیلاش جیوتش تے ویدیک سنستھا ٹرسٹ غا سالہ اس ٹرسٹ غا میگزین کوتویہ مرگ غو چوتھا شمارہ غو اجراکیوہے اس موقع ور اجتماع سگ خطاب کرتا واں لیفٹیٹ گورنر نے کہیو جے مہارو قدیم علمی نظام تے اس مانہ مضمیر دانائی جدید دنیا مانہ کامیابی واسطے ایک واضع خاکو فراہم کرے اُنہاں نے کہیو جے بھارت غو قدیم علمی ظام جدید للکاراں تے مسائل غو حل پیش کرے تے ویداں و اُنشداں جیسا قدیم متون علم بیش بہا خزانہ ہیں لیفٹیٹ گورنر نے ویدک سائنس لوک ثقافت تے ثقافتی اقدار غا فروغ واسطے ٹرسٹ غی تعریف کی جھڑی نوجواناں نانہ بھارت غا ورثہ سنگ جوڑن مانہ مددگار ثابت ہو رئی ہے۔

\*\*\*\*\*

CM CR PATIL

وزیر اعلیٰ عمر عبداللہ نے کل نویں دلی مانہ جل شکتی بارے مرکزی وزیر سی آر پاٹل غے سنگ ایک میٹنگ کی تے جموں کشمیر مانہ جل جیون مشن غا نفاذ غے متعلق اہم امور ور تبادلہ خیال کیو۔میٹنگ غے دوران وزیر اعلیٰ نے ذیرالتوا مرکزی فنڈز غی جلد اجرائی بارے وی کہیو تانجے مکمل شدہ کماں غا بقایا دعواں غی ادائیگی بوسکے تے رُکی وی سکیمیں نانہ دوبارہ شروع کیو جاسکے جن وچوں کئی تکمیل غے قریب ہیں وزیر اعلیٰ نے یقین دہانی کرواتے جے جموں کشمیر حکومت بروقت عمل در آمد قریبی نگرانی تے جے اہم غا اہداف نانہ یقینی بناوے گی تے مرکزی حکومت غی مسلسل معاونت سنگ دیہی کہراں واسطے ہر کہر جھل غا عزم نانہ دہرایواس موقع ور جل شکتی غا وزیر جاوید رانا وی اُن غے ہمراہ تھا۔

\*\*\*\*\*

## RUSTUM E JK

جموں کشمیر اچ تاریخی ایم اے سٹیڈیم مانہ اپنی پہلی بین العوامی دنگل تے رستم جموں کشمیر چیمپین شپ غی میزبای کرن واسطے پوری طرح تیار ہے جس نال کھیڈاں گا شوقین تے عام لوکاں مانہ جوش و خروش پیدا ہووے یوہ پروگرام پہلاں 17 دسمبر نانہ ہونو تھو لیکن نا مناسب حالات غی وجہ سنگ تاریخاں ناہ تبدیل کرنو پیو جموں کشمیر کھیڈاں بارے کونسل غی طرفوں جموں کشمیر اڈین سٹائیل رسلنگ ایسوسی ایشن گا اشتراک نال منعقد ہون آلا اس یونٹ گو مقصد نوجواناں غی مصروفیت صحت، تندرستی نانہ فروغ دینو ہے تے دیسی کُشنی گا بھر پور ورثہ نانہ محفوظ رکھنو ہے رسلنگ نانہ عام طور ور دنگل کشتی یا پہلوانی غا ناں نال جانیو جے تے یا جموں غی ثقافتی میراث گو ایک لازمی حصو ہے تے اس نانہ دیہی تے سرحدی علاقاں ماہ نسلوں تے پالیو جارہیو ہے۔

\*\*\*\*\*

## KISHTWAR SEARCH OP

کشتواڑ ضلع غا سنگھ پورہ علاقہ مانہ مشتبہ نقل و حرکت غے متعلق خصوصی خفیہ اطلاعات غے بعد بھارتیہ فوج نے علاقہ مانہ بڑا پیمانہ ور تلاشی آپریشن شروع کردتو ہے اُتوں مارا ضلعی ناما نگار غے مطابق پورہ علاقہ نانہ کیرہ مانہ لے ليو گیو ہے تے مسلسل تلاشی کاروائی جاری ہیں مزید تفصیلات غی اجیں اُڈیک ہے۔

\*\*\*\*\*

## JAMMU SMART CITY AWARDS

جموں سمارٹ سٹی لمٹیڈ نے نویں دلی مانہ منعقدہ پی ایس یو تبدیلی اعزاز 2025 مانہ ترے قومی اعزاز حاصل کیا ہیں یہ اعزاز توی رپور فرنٹ غی ترقی شہری نقل و حرکت مانہ قیادت تے جدید و ماحول دوست عوامی بنیادی ٹھانچہ غا اقدامات مانہ شاندار کارکردگی غا اعتراف مانہ دتا گیا ہیں یہ اعزاز پائیداد شہری ترقی شہری مرکز منصوبہ بندی ماحولیاتی ذمے داری تے

جدید ٹھانچہ غی فراہمی واسطے جموں غا عزم نانہہ اُجاگر کریں۔ اس غے علاوہ  
یاہ کامیابی جموں نانہہ سمارٹ مربوط تے مستقبل واسطے تیار شہری تبدیلی  
غی قیادت کرن آلا بھارتی شہراں مانہہ شامل کرے۔

\*\*\*\*\*

#### ORAL POLIO VACCINE

جموں کشمیر مانہہ پلس پولیو مہم غے تحت حفاظتی ٹیکہ کاری بارے قومی  
تہاڑو 2025 گو آغاز 21 دسمبر نانہہ وے گو اس مہم مانہہ صفر توں 5 براں  
غی عمر گا 19 لکھ توں متا بچاں نانہہ پولیو ویکسین پلائی جے غی جد کہ کھر  
کھر مہم 22 تے 23 دسمبر نانہہ جاری رے غی تانجے کوئی بچو ویکسین تیں  
محروم نہ رہ جے۔ اس سلسلہ مانہہ حُکام نے دسیو ہے 10993 غے کول کال  
بوٹھس 248 ٹرانسٹ پوئیٹ تے 518 موبائل ٹیم تعینات کی گئی ہیں۔

\*\*\*\*\*

#### WEATHER

خشک موسمی حالات غے باعث جموں شہر تے اس غا اطرافی مفاقاتی  
علاقاں مانہہ شدید تھند چھاگئی ہے کہنی تھند غے سبب حد نگاہ انتہائی  
کھٹ ہو گئی ہے جس غی وجہ سنگ مسافراں نانہہ شدید مشکلات غو  
سامنو کرنو پے رہیو ہے اسے دوران محکمہ موسمیات نے پیش گوئی کی ہے  
جے اج دیر رات ہلکی بارش غو امکان ہے جھڑی تھند غے نال نال خشک تے  
سرد موسم تیں لوکاں نانہہ گُج راحت فراہم کرسکے۔

\*\*\*\*\*

#### FOG FLIGHT DISRUPTIONS

شہری ہوائی نقل و حمل غی وزارت نے مسافراں نانہہ مشورو دتو ہے کہ  
دھند غی وجہ تیں پروازاں مانہہ ہون آلی تبدیلیاں غا بارا مانہہ ایئر لائنز، ہوائی  
اڈاں تے سرکاری ذرائع تیں تازہ معلومات لیتا رہیں۔ وزارت نے مسافراں تیں کہیو  
کہ سفر واسطے اضافی وقت رکھیں تاجے سفر مانہہ پریشانی نہ وے۔ وزارت  
غے مطابق وہ محکمہ موسمیات غے نال مسلسل رابطہ مانہہ ہیں تے موسم  
غی تازہ صورتحال نانہہ دیکھتا واں، فیصلہ لے رہیا ہیں۔ گُج پرواز ائر لائنز غی

طرفوں منسوخ کی جارہی ہیں تے مسافراں نانہ پہلاں تیں ہی اطلاع دتی  
جارہی ہے تانجے وہ بلا وجہ ہوائی اڈہ ور نہ آئیں۔وزارت نے کہیو کہ متاثر  
مسافراں نانہ مکمل رقم واپس کی جے گی تے مفت ری۔شیڈیول غی  
سہولت دتی جارہی ہے۔

\*\*\*\*\*